

**КАНОНЫ: СПАСИТЕЛЮ
ПРЕСВЯТОЙ БОГОРОДИЦЕ И
АНГЕЛУ ХРАНИТЕЛЮ**

Молітвами святы́х оте́ц на́ших,
Го́споди Иису́се Христе́ Бо́же наш,
помі́луй нас. Амі́нь.

Святы́й Бо́же, Святы́й Кре́пкий,
Святы́й Безсме́ртный, помі́луй нас.

*(Читається трижды, с крестным знаменем и
поясным поклоном.)*

Сла́ва Отцу́ и Сы́ну и Свято́му
Ду́ху, и ны́не и прі́сно и во ве́ки
веко́в. Амі́нь.

Пресвята́я Тро́ице, помі́луй нас;
Го́споди, очі́сти грехі́ на́ша;
Влады́ко, прости́ беззаконія́ на́ша;
Святы́й, посети́ и исцели́ немо́щи
на́ша, і́мене Твоего́ ра́ди.

Го́споди, помі́луй *(Трижды.)*.

Сла́ва Отцу́ и Сы́ну и Свято́му
Ду́ху, и ны́не и прі́сно и во ве́ки

векóв. Амíнь.

Отче наш, Иже еси́ на Небесéх, да святíтся íмя Твое́, да приíдет Цáрствие Твое́, да бúдет во́ля Твоя́, я́ко на Небéси и на землí. Хлеб наш насúщный дáждь нам днесь; и оста́ви нам дóлги нáша, я́коже и мы оставля́ем должникóм нáшим; и не введí нас во искушéние, но избáви нас от лука́ваго.

Гóсподи, помíлуй. (*12 раз.*)

Сла́ва Отцú и Сы́ну и Свято́му Ду́ху, и ны́не и прíсно и во ве́ки векóв. Амíнь.

Приидíте, поклонíмся Царéви нáшему Бо́гу. (*Поклон*)

Приидíте, поклонíмся и припадéм Христú, Царéви нáшему Бо́гу. (*Поклон*)

Приидíте, поклонíмся и припадéм Самомú Христú, Царéви и Бо́гу нáшему. (*Поклон*)

Псалом 50

Помілуй мя, Бо́же, по вели́цей мі́лости Тво́ей, и по мно́жеству щедро́т Твои́х очисти беззако́ние моё. Наипа́че омы́й мя от беззако́ния моего́, и от греха́ моего́ очисти мя; я́ко беззако́ние моё аз зна́ю, и грех мой предо мно́ю есть вы́ну. Тебе́ Еди́ному согреши́х и лука́вое пред Тобо́ю сотвори́х, я́ко да оправди́шия во словесе́х Твои́х, и победи́ши внегда́ суди́ти Ти. Се бо, в беззако́ниях зача́т есмь, и во гресе́х роди́ мя ма́ти моя́. Се бо, и́стину возлюбил еси́; безвѣстна́я и та́йна премудрости Твоея́ явил ми еси́. Окропи́ши мя иссо́пом, и очи́щуся; омы́еши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твоё

от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычным утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския.

Тогда благоволиши жѣртву правды,
возноше́ние и всесожега́емая; тогда
возложáт на олта́рь Твой тельцы́.

КАНОН, глас 6-й

Песнь 1

Ирмос: **Я**ко по сѹху
пешешествовав Изра́иль, по бѣздне
стопа́ми, гонителя́ фарао́на видя
потопля́ема, Бо́гу побѣдную́ песнь
пои́м, вопия́ше.

Помилуй мя, Бо́же, помилуй мя.

Ны́не приступи́х аз грѣшный и
обременѣнный к Тебѣ́, Влады́це и
Бо́гу моему́; не смею́ же взирáти на
не́бо, то́кмо молю́ся, глаго́ля: даждь
ми, Го́споди, ум, да пла́чуся дел
мои́х го́рько.

Помилуй мя, Бо́же, помилуй мя.

О, го́ре мне грѣшному! Па́че

всех челове́к ока́нен есмь,
пока́нннн несть во мне; даждь ми,
Го́споди, слéзы, да пла́чуся дел
мои́х го́рько.

Поми́луй мя, Бо́же, поми́луй мя.

Безу́мне, ока́нне челове́че, в
ле́ности вре́мя губи́ши; помы́сли
житиé твоé, и обрати́ся ко Го́споду
Бо́гу, и пла́чнся о дéлех твои́х
го́рько.

Пресвята́я Богородице, спаси
нас.

Мати́ Бо́жнн Пречи́стая, воззри́
на мя грéшногo, и от се́ти диа́воли
изба́ви мя, и на путь пока́нннн
наста́ви мя, да пла́чуся дел мои́х
го́рько.

Пресвята́я Богородице, спаси
нас.

Мно́гими содерж́имь напáстьми,

к Тебѣ прибегаю, спасѣния искій:
о, Мати Сло́ва и Дѣво, от тяжких и
лю́тых мя спаси́.

**Пресвятая Богородице, спаси
нас.**

Страстѣй мя смущают прило́зи,
мно́гаго уны́ния испо́лнити мою́
ду́шу; умири́, Отрокови́це, тишино́ю
Сы́на и Бо́га Твоего́,
Всенепоро́чная.

**Пресвятая Богородице, спаси
нас.**

Спа́са ро́ждшую Тя и Бо́га,
молю́, Дѣво, изба́виться ми лю́тых:
к Тебѣ бо ны́не прибега́я,
простира́ю и ду́шу и помышлѣние.

**Пресвятая Богородице, спаси
нас.**

Недúгующа тѣлом и душѣю,
посещѣния Божѣственного и

промышлѣнія от Тебѣ сподѣби,
едіна Богомати, яко благая,
Благого же Родительница.

Господи Иисусе Христе Боже
мой, помилуй мя.

Песнь воспѣти и восхвалити,
Спасе, Твоего раба достойно
сподѣби, безплотному Ангелу,
наставнику и хранителю моему.

Святыи Ангеле Божий,
хранителю мой, моли Бога о мне.

Един аз в неразумии и в
лености ныне лежу, наставниче мой
и хранителю, не остави мене,
погибающа.

Слава Отцу и Сыну и Святому
Духу

Ум мой твоєю молитвою
направи, творити ми Божия
повеления, да получу от Бога

отда́ние грехо́в, и ненави́дети ми
злых наста́ви мя, молю́ся ти.

**И ны́не и прі́сно и во ве́ки векóв
Ами́нь.**

**Моли́ся, Деви́це, о мне, рабе́
Твоём, ко Благода́телю, со
храні́телем мо́им А́нгелом, и
наста́ви мя твори́ти за́поведи Сы́на
Твоего́ и Творца́ моего́.**

Песнь 3

***Ирмос: Несть свят, я́коже Ты,
Го́споди Бо́же мой, вознесы́й рог
ве́рных Твои́х, Бла́же, и
утверди́вый нас на ка́мени
испове́дания Твоего́.***

Помі́луй мя, Бо́же, помі́луй мя.

**Внегда́ поста́влени бу́дут
престо́ли на Суді́щи Стра́шнем,
тогда́ всех челове́к дела́ облича́тся;
го́ре та́мо бу́дет грешным, в му́ку**

отсыла́емым; и то ве́дущи, душе́
моя́, пока́йся от злых дел твои́х.

Поми́луй мя, Бо́же, поми́луй мя.

Пра́ведницы возра́дуются, а
gréшнии воспла́чутся, тогда́ никто́же
возмо́жет помо́щи нам, но дела́
на́ша осудят нас, те́мже прэ́жде
конца́ пока́йся от злых дел твои́х.

Поми́луй мя, Бо́же, поми́луй мя.

Увы́ мне великоgréшному, и́же
де́лы и мы́сльми оскверни́всья, ни
ка́пли слез имею́ от жестосе́рдия;
ны́не возни́кни от земли́, душе́ моя́,
и пока́йся от злых дел твои́х.

**Пресвятая Богородице, спаси
нас.**

Се, взыва́ет, Госпоже́, Сын
Твой, и поуча́ет нас на до́брое, аз
жеgréшный добра́ всегда́ бе́гаю; но
Ты, Ми́лостивая, поми́луй мя, да

пока́юся от злых мо́их дел.

Пресвятая Богородице, спаси нас.

Предста́тельство и покрóв жи́зни моея́ полага́ю Тя, Богороди́тельнице Де́во: Ты мя окори́ ко приста́нищу Твоему́, благих вино́вна; ве́рных утвержде́ние, еди́на Всепе́тая.

Пресвятая Богородице, спаси нас.

Молю́, Де́во, душе́вное смуще́ние и печа́ли моея́ бу́рю разори́ти: Ты бо, Богоневе́стная, нача́льника тишины́ Христа́ родила́ еси́, еди́на Пречи́стая.

Пресвятая Богородице, спаси нас.

Благоде́теля ро́ждши до́брых вино́внаго, благодея́ния бога́тство всем источи́, вся бо мо́жеши, я́ко

сильнаго в крепости Христа
рождши, Богоблаженная.

**Пресвятая Богородице, спаси
нас.**

**Лютыми недуги и болезненными
страстьми истязаему, Дево, Ты ми
помози: исцелений бо неоскудное
Тя знаю сокровище,
Пренепорочная, неизживаемое.**

**Святой Ангеле Божий,
хранителю мой, моли Бога о мне.**

**Все помышление мое и душу
мою к тебе возложих, хранителю
мой; ты от всякия мя напасти
вражия избави.**

**Святой Ангеле Божий,
хранителю мой, моли Бога о мне.**

**Враг попирает мя, и озлобляет,
и поучает всегда творити своя
хотения; но ты, наставниче мой, не**

оста́ви мене́ погиба́юща.

**Сла́ва Отцу́ и Сы́ну и Свято́му
Ду́ху**

Пе́ти песнь со благодарéнием и усéрдием Творцу́ и Бо́гу даждь ми, и тебе́, благо́му Ангелу храните́лю моему́: изба́вителю мой, изми́ мя от враг озлобля́ющих мя.

**И ны́не и прісно и во ве́ки веко́в
Ами́нь.**

Исцели́, Пречи́стая, мо́я
многонеду́жныя стру́пы, я́же в
души, проже́ні враги́, і́же прісно
бо́рются со мно́ю.

Господи, помилуй. (*Трижды.*)

Кондак, глас 4-й

Яви́ся мне милосéрд, святы́й
Ангеле Госпо́день, храните́лю мой,
и не отлуча́йся от мене́, скве́рнаго,
но просвети́ мя свéтом
неприкоснове́нным и сотвори́ мя

достойна Царствия Небеснаго.

Икос

Уничуженную душу мою многими соблазны, ты, святыи предстателю, неизреченныя славы небесныя сподоби, и певец с лики безплотных сил Божиих, помилуй мя и сохрани, и помыслы добрыми душу мою просвети, да твоею славою, Ангеле мой, обогащуся, и низложу зломыслящия мне враги, и сотвори мя достойна Царствия Небеснаго.

Седален, глас 6-й

Помышляю день страшный и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный и Душе

Святы́й, поми́луй мя.

Сла́ва Отцу́ и Сы́ну и Свято́му Ду́ху

Седален, глас 2-й

От любве́ душе́вныя вопию́ ти, храните́лю моея́ души́, всесвяты́й мой Ангеле: покрый́ мя и соблюди́ от лука́ваго ловле́ния всегда́, и к жи́зни наста́ви небесне́й, вразумля́я и просвеща́я и укрепля́я мя.

И ны́не и прісно и во ве́ки веко́в Амѣнь.

Богородичен:

**Богоро́дице безневѣстная
Пречи́стая, Яже без се́мени ро́ждши
всех Влады́ку, Того́ со Ангелом
храните́лем моѣм моли́, изба́вити ми
ся вся́каго недоуме́ния, и да́ти
умиле́ние и свет души́ моѣй и
согреше́нием очище́ние, Яже еди́на
вско́ре заступа́юща.**

Песнь 4

Ирмос: *Христос моя сила, Бог и Господь, честная Церковь боголепно поёт, взываючи от смысла чиста, о Господе празднующи.*

Помилуй мя, Боже, помилуй мя.

Широк путь zde и угóдный сласти творити, но горько бóдет в послéдний день, егда́ душа́ от тéла разлучáтися бóдет: блюди́ся от сих, челове́че, Цáрствия ра́ди Бóжия.

Помилуй мя, Боже, помилуй мя.

Почто́ убо́гаго обидиши, мзду наёмничу удéржуеши, брата́ твоего́ не любиши, блуд и гóрдость гóниши? Оста́ви у́бо сия́, душе́ моя́, и пока́йся Цáрствия ра́ди Бóжия.

Помилуй мя, Боже, помилуй мя.

О, безумный челове́че, доко́ле

углеба́еши, я́ко пчела́, собира́ющи
бога́тство твоё? Вско́ре бо
поги́бнет, я́ко прах и пе́пел: но
бо́лее взыщи́ Ца́рствия Бо́жия.

**Пресвятая Богородице, спаси
нас.**

**Госпоже́ Богоро́дице, поми́луй
мя грёшного, и в добродётели
укрепи́, и соблюди́ мя, да на́глая
смерть не похи́тит мя негото́ваго, и
дове́ди мя, Де́во, Ца́рствия Бо́жия.**

**Пресвятая Богородице, спаси
нас.**

**Страсте́й мо́их смущёние,
ко́рмчию ро́ждшая Го́спода, и бу́рю
утиши́ мо́их прегрешёний,
Богоневёстная.**

**Пресвятая Богородице, спаси
нас.**

Милосёрдия Твоего́ бездну

призыва́юще пода́ждь ми, я́же
Благосе́рдаго ро́ждшая и Спа́са
всех пою́щих Тя.

**Пресвятая Богородице, спаси
нас.**

**Наслажда́ющесея, Пречи́стая,
Твои́х дарова́ний, благода́рственное
воспева́ем пе́ние, ве́дуще Тя
Богома́терь.**

**Пресвятая Богородице, спаси
нас.**

**На одре́ болéзни моея́ и немо́щи
низлежа́щу ми, я́ко благолюби́ва,
помози́, Богоро́дице, еди́на
Присноде́во.**

**Пресвятая Богородице, спаси
нас.**

**Наде́жду и утвержде́ние и
спасе́ния стéну недви́жиму иму́ще
Тя, Всепе́тая, неудобства вся́каго**

избавляемся.

Святы́й А́нгеле Божий,
хранителю мой, моли Бога о мне.

Моли́ Человеколю́бца Бо́га ты,
хранителю мой, и не оста́ви мене́,
но прісно в міре житіе́ моё
соблюди́ и пода́ждь ми спасе́ние
необори́мое.

Святы́й А́нгеле Божий,
хранителю мой, моли Бога о мне.

Яко заступника и хранителя
животу́ моему́ прие́м ты от Бо́га,
А́нгеле, молю́ тя, святы́й, от всяких
меня́ бед свободи́.

**Сла́ва Отцу́ и Сы́ну и Свято́му
Ду́ху**

Мою́ скве́рность твоёю
святы́нею очисти, хранителю мой, и
от ча́сти шу́ия да отлуче́н бу́ду
моли́твами твои́ми и прича́стник

сла́вы явлю́ся.

**И ны́не и прѣсно и во ве́ки веко́в
Ами́нь.**

Недоуме́ние предлежи́т ми от
обыше́дших мя зол, Пречи́стая, но
изба́ви мя от них ско́ро: к Тебе́ бо
еди́ней прибе́гох.

Песнь 5

***Ирмос: Бóжиим свѣтом Твоѣм,
Бла́же, у́тренюющих Ти ду́ши
любо́вию озари́, молю́ся, Тя ве́дети,
Сло́ве Бóжий, ѣстиннаго Бóга, от
мра́ка грехо́внаго взыва́юща.***

Помѣлуй мя, Бóже, помѣлуй мя.

**Воспомяни́, ока́янный челове́че,
ка́ко лжам, клеветáм, разбо́ю,
немо́щем, лю́тым зве́рем, грехо́в
ра́ди порабо́щен еси́; душе́ моя́
грѣшная, тогó ли восхотѣла еси́?**

Помѣлуй мя, Бóже, помѣлуй мя.

Трепéщут ми úди, всéми бо сотвори́х винú: очíма взира́й, ушíма слы́шай, язы́ком злáя глаго́ляй, всегó себе́ геéне преда́й; душé моя́ грéшная, сего́ ли восхотéла еси́?

Помíлуй мя, Бóже, помíлуй мя.

Блудника́ и разбо́йника ка́ющася прия́л еси́, Спа́се, аз же едíн лéностию грехóвною отягчíхся и злым делóм поработíхся, душé моя́ грéшная, сего́ ли восхотéла еси́?

Пресвятая Богородице, спаси нас.

Дíвная и скóрая помóщнице всем челове́ком, Мáти Бóжия, помози́ мне недостóйному, душé бо моя́ грéшная тогó восхотé.

Пресвятая Богородице, спаси нас.

Испóлни, Чíстая, весéлия
сéрдце моé, Твою́ нетлénную даю́щи
ра́дость, весéлия рóждшая
Винóвнаго.

Пресвятая Богородице, спаси
нас.

Избáви нас от бед, Богорóдице
Чíстая, вéчное рóждши избавлénие,
и мир, всяк ум преимúщий.

Пресвятая Богородице, спаси
нас.

Разрешí мглу прегрешéний
мо́их, Богоневéсто, просвещéнием
Твоея́ свéтлости, Свет рóждшая
Божéственный и превéчный.

Пресвятая Богородице, спаси
нас.

Исцели́, Чíстая, души́ моея́
неможéние, посещéния Твоего́
сподóбльшая, и здравие моли́твами

Твоими подаждь ми.

Святы́й А́нгеле Бо́жий,
хранителю мой, моли Бога о мне.

Яко имѣя дерзнове́ние к Бо́гу,
хранителю мой святы́й, Сего́ умоли́
от оскорбляющих мя зол изба́вити.

Святы́й А́нгеле Бо́жий,
хранителю мой, моли Бога о мне.

Свѣте свѣтлый, свѣтло просвети́
ду́шу мою́, наставля́ниче мой и
хранителю, от Бо́га да́нный ми
А́нгеле.

Сла́ва Отцу́ и Сы́ну и Свято́му
Ду́ху

Спяща мя зле тягото́ю
грехо́вною, я́ко бдяща сохрани́,
А́нгеле Бо́жий, и возста́ви мя на
славосло́вие моле́нием твои́м.

**И ны́не и прі́сно и во ве́ки веко́в
Ами́нь.**

Маріе, Госпоже Богородице
безневѣстная, надеждо вѣрных,
вражия возношенія низложі,
поющія же Тя возвесели.

Песнь 6

*Ирмос: Житѣйское море,
воздвизаемое зря напастей бурею,
к тихому пристанищу Твоему
притекъ, вопию Ти: возведи от тли
живот мой, Многомилостиве.*

Помилуй мя, Бже, помилуй мя.

Житіе на землѣ блудно пожих
и дѹшу во тьму предах, ныне ѹбо
молю Тя, Милостивый Владыко:
свободи мя от работы сея вражия,
и даждь ми разум творити волю
Твою.

Помилуй мя, Бже, помилуй мя.

Кто творит таковая, якоже аз?
Якоже бо свинія лежит в калу,

тако и аз греху́ служу. Но Ты, Господи, исторгни мя от гнуса сего́ и даждь ми сердце творити заповеди Твоя́.

Помилуй мя, Бóже, помилуй мя.

Воспряни́, окая́нный челове́че, к Бо́гу, воспомина́в своя́ согрешения́, припа́дая ко Творцу́, слезя́ и стеля́; Той же, я́ко милосе́рд, даст ти ум зна́ти во́лю Свою́.

Пресвятая Богородице, спаси нас.

Богоро́дице Де́во, от ви́димаго и неви́димаго зла сохрани́ мя, Пречи́стая, и приими́ моли́твы моя́, и донеси́ я́ Сы́ну Твоему́, да даст ми ум творити во́лю Его́.

Пресвятая Богородице, спаси нас.

Сме́рти и тли я́ко спасл есть,

Сам Ся издав смёрти, тлѣнием и смёртию моё естество, ято бѣвшее, Дѣво, моли Гóспода и Сына Твоего, врагов злодѣйствія мя избáвити.

Пресвятая Богородице, спаси нас.

Предстáтельница Тя животá вем и хранительницу твёрду, Дѣво, и напáстей решащу молвы́, и налóги бесóв отгоняющу; и молю́ся всегда, от тли страстѣй мо́их избáвити мя.

Пресвятая Богородице, спаси нас.

Яко стѣну прибежища стяжáхом, и душъ всесовершѣнное спасѣние, и простра́нство в скóрбех, Отрокови́це, и просвещѣнием Тво́им прѣсно радуемся: о, Влады́чице, и ны́не нас от страстѣй и бед спаси́.

Пресвятая Богородице, спаси

нас.

На одре ныне немощствуяй
лежy, и несть исцеления плоти
моей: но, Бога и Спаса миру и
Избавителя недугов рождающая, Тебе
молюся, Благой: от тли недугов
возстави мя.

Святой Ангеле Божий,
хранителю мой, моли Бога о мне.

Всяких мя напастей свободи, и
от печалей спаси, молюся ти,
святой Ангеле, данный ми от Бога,
хранителю мой добрый.

Святой Ангеле Божий,
хранителю мой, моли Бога о мне.

Освети ум мой, блаже, и
просвети мя, молюся ти, святой
Ангеле, и мысли ми полезная
всегда настави мя.

Слава Отцу и Сыну и Святому

Ду́ху

**Уста́ви се́рдце моё́ от
настоя́щаго мятежа́, и бде́ти укрепí
мя во благи́х, хранíteлю мой, и
наста́ви мя чу́дно к тиши́не
живо́тней.**

**И ны́не и прíсно и во ве́ки веко́в
Ами́нь.**

**Сло́во Бо́жие в Тя всели́ся,
Богоро́дице, и челове́ком Тя показа́
небе́сную ле́ствицу; Тобо́ю бо к нам
Вы́шний соше́л е́сть.**

**Господи, помилуй. (Трижды.)
Сла́ва Отцу́ и Сы́ну и Свято́му Ду́ху, и
ны́не и прíсно и во ве́ки веко́в. Ами́нь.**

Кондак

**Душе́ моя́, почто́ греха́ми
богате́еши, почто́ во́лю диа́волю
твори́ши, в чесо́м наде́жду
полага́еши? Преста́ни от сих и
обрати́ся к Бо́гу с пла́чем, зову́щи:**

милосерде Господи, помилуй мя грешнаго.

Икос

Помысли, душе моя, горький час смерти и страшный суд Творца твоего и Бога: Ангели бо грознии поймут тя, душе, и в вечный огонь введут: убо прежде смерти покайся, вопиючи: Господи, помилуй мя грешнаго.

Песнь 7

***Ирмос:** Росодательну убо пещь содела Ангел преподобным отроком, халдеи же опаляющее веление Божие, мучителя увещая вопити: благословен еси, Боже отец наших.*

Помилуй мя, Боже, помилуй мя.

Не надейся, душе моя, на тленное богатство и на неправедное

собрáние, вся бо сiя не вéси кому́
оста́виши, но возопiй: помiлуй мя,
Христé Бóже, недостóйнаго.

Помiлуй мя, Бóже, помiлуй мя.

Не упова́й, душе́ моя́, на
телéсное здравие и на
скоромимоходящую красоту́,
вiдиши бо, я́ко сiльние и младiи
умира́ют; но возопiй: помiлуй мя,
Христé Бóже, недостóйнаго.

Помiлуй мя, Бóже, помiлуй мя.

Воспомяни́, душе́ моя́, вéчное
житиé, Цáрство Небéсное,
уготóванное святы́м, и тьму
кромéшную и гнев Бóжий злым, и
возопiй: помiлуй мя, Христé Бóже,
недостóйнаго.

**Пресвятая Богородице, спаси
нас.**

Припадí, душе́ моя́, к Бóжией

Ма́тери и помоли́ся Той, есть бо
ско́рая помо́щница ка́ющимся,
умо́лит Сы́на Христа́ Бо́га, и
помі́луєт мя недосто́йнаго.

Пресвятая Богородице, спаси нас.

На́ше спасе́ние я́коже восхотѣл
еси́, Спа́се, устро́ити, во утробу
Де́выя всели́лся еси́, Ю́же міру
предста́тельницу показа́л еси́: о́тец
на́ших Бо́же, благослове́н еси́.

Пресвятая Богородице, спаси нас.

Воли́теля ми́лости, Егóже роди́ла
еси́, Ма́ти чи́стая, умоли́ изба́виться
от прегреше́ний и душе́вных скверн
ве́рою зову́щим: о́тец на́ших Бо́же,
благослове́н еси́.

Пресвятая Богородице, спаси нас.

Сокрѡвище спасѣнія и Источник
нетлѣнія, Тя рѡждшую, и столп
утверждѣнія, и дверь покаянія,
зовущим показал еси: отецъ нашихъ
Бѡже, благословѣн еси.

Пресвятая Богородице, спаси
нас.

Телѣсныя слабости и душевныя
недуги, Богородительнице, любовью
приступающихъ къ крову Твоему,
Дѣво, исцелити сподоби, Спаса
Христá намъ рѡждшая.

Святый Ангеле Божий,
хранителю мой, моли Бога о мне.

Милостив буди ми, и умоли
Бѡга, Господень Ангеле, имѣю бо ты
заступника во всемъ животѣ моемъ,
наставника же и хранителя, от Бѡга
дарованнаго ми во вѣки.

Святый Ангеле Божий,

хранителю мой, моли Бога о мне.

Не остави в путь шествующия души моея окаянная убити разбойником, святыи Ангеле, яже ти от Бога предана бысть непороче; но настави ю на путь покаяния.

Слава Отцу и Сыну и Святому Духу

Всю посрамлену душу мою привожду от лукавых ми помысл и дел: но предвари, наставниче мой, и исцеление ми подаждь благих помыслы, уклоняти ми ся всегда на правыя стези.

И ныне и присно и во веки веков Аминь.

Премудрости исполни всех и крепости Божественныя, Ипостасная Премудросте Вышняго, Богородицы ради, верою вопиющих:

оте́ц на́ших Бо́же, благослове́н еси́.

Песнь 8

Ирмос: **Из** пла́мене преподо́бным ро́су источи́л еси́ и пра́веднаго жéртву водо́ю попали́л еси́: вся бо твори́ши, Христé, то́кмо е́же хотéти. Тя превозно́сим во вся вéки.

Поми́луй мя, Бо́же, поми́луй мя.

Ка́ко не има́м пла́каться, егда́ помышля́ю смерть, ви́дех бо во грóбе лежа́ща бра́та моего́, безсла́вна и безобра́зна? Что у́бо ча́ю, и на что наде́юся? То́кмо даждь ми, Го́споди, прéжде конца́ пока́ние. **Поми́луй** мя, Бо́же, поми́луй мя. *(Дважды)*

Ве́рую, я́ко при́деши суди́ти живы́х и ме́ртвых, и вси во своéм

чѣну стѣнут, старѣи и младѣи,
владѣки и князи, дѣвы и
священницы; где обрѣщуся аз? Сего
ради вопию: даждь ми, Господи,
прежде конца покаяние.

Пресвятая Богородице, спаси нас.

Пречѣстая Богородице, прими недостойную молитву мою и сохрани мя от наглыя смерти, и даруй ми прежде конца покаяние.

Пресвятая Богородице, спаси нас.

Помощи яже от Тебе требующия не презри, Дѣво, поющия и превозносящия Тя во вѣки.

Пресвятая Богородице, спаси нас.

Неможѣние души моея

исцеляеши и телесныя болѣзни,
Дѣво, да Тя прославлю, Чистая, во
вѣки.

**Пресвятая Богородице, спаси
нас.**

Исцелений богатство изливаеши
верно поющим Тя, Дѣво, и
превозносящим неизреченное Твое
рождество.

**Пресвятая Богородице, спаси
нас.**

Напастей Ты прилоги отгоняеши
и страстей находы, Дѣво: темже Тя
поём во вся вѣки.

Святой Ангеле Божий,
хранителю мой, моли Бога о мне.

От Бога посланный, утверди
живот мой, раба твоего, преблагий
Ангеле, и не остави мене во вѣки.

Святой Ангеле Божий,

хранителю мой, моли Бога о мне.

Ангела тя суща блага, души
моея наставника и хранителя,
преблаженне, воспеваю во веки.

**Слава Отцу и Сыну и Святому
Духу**

Буди ми покров и забрадо в
день испытанія всех человек,
воньже огнем искушаются дела
благая же и злая.

**И ныне и присно и во веки веков
Аминь.**

Буди ми помощница и тишина,
Богородице Приснодево, рабу
Твоему, и не остави мене лишена
быти Твоего владычества.

Песнь 9

Ирмос: ***Бога*** человеком
невозможно видети, на Негоже не
смеют чини Ангельстии взирати;

*Тобо́ю же, Всечы́стая, явй́ся
челове́ком Сло́во Воплоще́нно,
Его́же велича́юще, с небесными во́и
Тя ублажа́ем.*

Помілуй мя, Бо́же, помілуй мя.

Ны́не к вам прибега́ю, Ангели,
Арха́нгели и вся небесны́я сі́лы, у
Престо́ла Бо́жия стоя́щие, моли́теся
ко Творцу́ своему́, да изба́вит ду́шу
мою́ от му́ки ве́чныя.

Помілуй мя, Бо́же, помілуй мя.

Ны́не пла́чуся к вам, святы́и
патриа́рси, ца́рие и проро́цы,
апосто́ли и святі́телие и вси
избра́ннии Христо́вы: помози́те ми
на суде́, да спасе́т ду́шу мою́ от
сі́лы вра́жия.

Помілуй мя, Бо́же, помілуй мя.

Ны́не к вам воздежу́ ру́це,
святы́и му́ченицы, пусты́нницы,

дѣвственницы, праведницы и вси святїи, молящїися ко Господу за весь мир, да помилует мя в час смѣрти моея.

Пресвятая Богородице, спаси нас.

Мати Божия, помози ми, на Тя силне надѣющемся, умоли Сына Своего, да поставит мя недостойнаго одесную Себе, егда сядет судяи живых и мертвых. Аминь.

Пресвятая Богородице, спаси нас.

Тока слез моих не отврати, Яже от всякаго лица всяку слезу отъемаго, Дѣво, Христа рождающая.

Пресвятая Богородице, спаси нас.

Радости мое сердце исполни,

Дéво, Яже рáдости приéмшая
исполнéние, грехóвную печáль
потребля́ющи.

**Пресвятая Богородице, спаси
нас.**

**Приста́нище и предста́тельство к
Тебе́ прибега́ющих б́уди, Дéво, и
стенá неруши́мая, прибе́жище же и
покро́в и весéлие.**

**Пресвятая Богородице, спаси
нас.**

**Свéта Твоего́ заря́ми просвети́,
Дéво, мрак неведéния отгоня́ющи,
благовéрно Богорóдицу Тя
исповéдающих.**

**Пресвятая Богородице, спаси
нас.**

**На мéсте озлоблéния нéмощи
смирíвшагося, Дéво, исцели́, из
нездрав́ия во здрав́ие претворя́ющи.**

Иисусу: Господи Иисусе Христе
Боже мой, помилуй мя.

Помилуй мя, еди́не Спа́се мой,
я́ко ми́лостив еси́ и милосе́рд, и
пра́ведных лико́в сотвори́ мя
прича́стника.

Святы́й Ангеле Божий,
хранителю мой, моли Бога о мне.

Мы́сли ти ми прі́сно и твори́ти,
Госпо́день Ангеле, благáя и
полéзная да́руй, я́ко си́льна яви́ в
не́мощи и непоро́чна.

**Сла́ва Отцу́ и Сы́ну и Свято́му
Ду́ху**

Яко имéя дерзнове́ние к Царю́
Небе́сному, Того́ моли́, с прóчими
безплóтными, поми́ловати мя,
окая́ннаго.

**И ны́не и прі́сно и во ве́ки веко́в
Ами́нь.**

Мно́го дерзнове́ние иму́щи,

Дéво, к Воплóцшемуся из Тебé,
преложí мя от уз и разрешéние ми
пода́ждь и спасéние, молíтвами
Тво́ими.

**Гóсподи, Иисýсе Христé, Сыне
Бóжий помíлуй мя грéшного.**

Молитва

**Влады́ко Христé Бóже, Иже
страстьми́ Сво́ими стра́сти моя́
исцели́вый и я́звами Сво́ими я́звы
моя́ уврачевáвый, да́руй мне, мно́го
Тебé прегрешíвшему, слéзы
умилéния; срастворí моемú тéлу от
обоня́ния Животворя́щего Тéла
Твоегó, и наслади́ дúшу мою́ Твоею
Честно́ю Крóвию от гóрести, ёюже
мя сопротíвник напо́й; возвы́си мой
ум к Тебé, до́лу понíкший, и
возведí от про́пасти погíбели: я́ко
не íмам пока́яния, не íмам
умилéния, не íмам слезы́**

утѣшительныя, возводящія чада ко
своему наслѣдию. Омрачѣхся умомъ
в житѣйскихъ страстѣхъ, не могу
возрѣти к Тебѣ в болѣзни, не могу
согрѣтися слезами, яже к Тебѣ
любвѣ. Но, Владыко Господи
Иисусе Христѣ, сокровище благихъ,
даруй мне покаяние всецѣлое и
сѣрдце лоботрудное во взысканіе
Твое, даруй мне благодать Твою и
обновѣ во мне зраки Твоего образа.
Оставих Тя, не остави мене; изыди
на взысканіе мое, возведи к
пажити Твоей и сопричти мя овцамъ
избраннаго Твоего стада, воспитай
меня с ними от злака Божественныхъ
Твоихъ Таинствъ, молитвами
Пречистыя Твоея Матере и всехъ
святыхъ Твоихъ. Аминь.

Пресвятая Богородице, спаси

нас.

*Молитвы ко Пресвятой
Богородице*

Царіце моя преблагая, надéждо моя Богорóдице, приятелище сірых и стрáнных предста́тельнице, скорбящих радосте, обідимых покровітельнице! Зрїши мою бедú, зрїши мою скорбь, помози ми яко не́мощну, окорми мя яко стрáнна. Обіду мою вéси, разреши́ ту, яко во́лиши: яко не ймам ины́я по́мощи разве Тебе, ни ины́я предста́тельницы, ни благія утэшительницы, то́кмо Тебе́, о Богома́ти, яко да сохрани́ши мя и покрýеши во вéки векóв. Амíнь.

К кому́ возопиú, Влады́чице? К кому́ прибéгну в гóрести моéй, áще не к Тебе, Царіце Небéсная? Кто

плач мой и воздыхание мое
приимет, аще не Ты,
Пренепорочная, надеждо христиан и
прибежище нам, грешным? Кто
паче Тебе в напастех защитит?
Услыши убо стенание мое, и
приклони ухо Твое ко мне,
Владычице Мати Бога моего, и не
презри мене, требующаго Твоея
помощи, и не отрини мене,
грешнаго. Вразуми и научи мя,
Царице Небесная; не отступи от
мене, раба Твоего, Владычице, за
роптание мое, но буди мне Мати и
заступница. Вручаю себе
милостивому покрову Твоему:
приведи мя, грешнаго, к тихой и
безмятежной жизни, да плачуся о
гресех моих. К кому бо прибегну
повинный аз, аще не к Тебе,
упованию и прибежищу грешных,

надéждою на неизречénную мѣлость
Твою́ и щедрóты Твоя́ окриляемъ?
О, Влады́чице Цари́це Небѣсная!
Ты мне уповáние и прибѣжище,
покрóв и заступлѣние и пóмощь.
Цари́це моя́ преблагáя и скóрая
засту́пнице! Покрый́ Твоѣм
ходáтайством моя́ прегрешѣния,
защити́ мене́ от врагъ вѣдимыхъ и
невѣдимыхъ; умягчи́ сердца́ злыхъ
человѣк, возстаю́щих на мя. О,
Ма́ти Го́спода моего́ Творца́! Ты
еси́ ко́рень дѣвства и неувяда́емый
цвет чистоты́. О, Богороди́тельнице!
Ты пода́ждь ми пóмощь
немо́щству́ющему плóтскими
страстьми́ и болѣзну́ющему
сѣрдцем, еди́но бо Твое́ и с Тобо́ю
Твоего́ Сы́на и Бо́га на́шего има́м
заступлѣние; и Твоѣмъ пречу́днымъ
заступлѣниемъ да изба́влюся от

всякія беды и напасти, о
Пренепорочная и Преславная
Божия Мати Маріе. Тёмже со
упованіем глаголю и вопію:
радуйся, благодатная, радуйся,
обрадованная; радуйся,
преблагословенная, Господь с
Тобою.

Святы́й Ангеле Божий,
хранителю мой, моли Бога о мне.

Молитва к Ангелу Хранителю

Ангеле Христовъ святы́й, к тебе
припадаю молюся, хранителю мой
святы́й, приданный мне на
соблюдение души и телу моему
грешному от святаго крещенія, аз
же своею лѣностию и своимъ злымъ
обычаемъ прогнѣвахъ твою пречистую
свѣтлость и отгнахъ тя от себя всеми

студными дѣлы: лжѣми, клеветѣми,
завистию, осужденіем,
презѣрством, непокорством,
братоненавидѣніем, и
злопомнѣніем, сребролюбіем,
прелюбодеѣніем, яростию,
скупостию, объядѣніем без сытости
и опивством, многоглаголаніем,
злыми помысли и лукавыми,
гордым обычаем и блудным
возбешѣніем, имѣй самохотѣніе на
всякое плотское вожделѣніе. О,
злоѣ мое произволѣніе, егѣже и
скѣти безсловеснии не творѣт! Да
како возможеши возрѣти на мя,
или приступити ко мне, аки псу
смердящему? Которыма очима,
Ангеле Христов, возрѣши на мя,
оплетшася зле во гнусных дѣлах?
Да како уже возмогу отпущѣнія
просити горьким и злым моим и

лука́вым дея́нием, в ня́же впа́даю
по вся дни и но́щи и на всяк час?
Но молю́ся ти припа́дая, храни́телю
мой святы́й, умилосе́рдися на мя
gréшнаго и недостóйнаго раба́
твоего́ (*имя*), бу́ди ми помо́щник и
засту́пник на зла́го моего́
сопроти́вника, святы́ми твои́ми
моли́твами, и Ца́рствия Бо́жия
прича́стника мя сотвори́ со все́ми
святы́ми, всегда́, и ны́не и прісно и
во ве́ки веко́в. Ами́нь.

Досто́йно есть я́ко вои́стину
блажи́ти Тя Богоро́дицу,
Присноблаже́нную и
Пренепоро́чную и Ма́терь Бо́га
нашего. Честне́йшую Херуви́м и
сла́внейшую без сравне́ния
Серафи́м, без ислéния Бо́га Сло́ва
ро́ждшую, су́щую Богоро́дицу Тя

велича́ем. (*Поклон*)

Сла́ва Отцу́ и Сы́ну и Свято́му Ду́ху,
и ны́не и прѣсно и во ве́ки веко́в.
Ами́нь.

Го́споди, поми́луй. (*Трижды.*)

Го́споди, Иису́се Христé, Сы́не
Бо́жий, моли́твами Пречи́стыя Твоея́
Ма́тере, преподо́бных и богоно́сных
оте́ц на́ших и всех святы́х поми́луй
нас. Ами́нь.